

գտնվում է նաև Պետական մատենադարանի երկու այլ ձեռագրերում, նույնությամբ: Սույն ձեռագիրն ընդգրկնակված է 1449 թվականին, այսինքն Գր. Տաթևացու մահվանից 39 տարի հետո: Պետք է ենթադրել, սակայն, որ նկարը կամ ընդգրկնակված է ավելի հեղուկ (Տաթևացու կենդանության սրտը արված) բնագրից և կամ գրված է ձեռագրի մեջ՝ այլ ձեռագրից: Վերջինս հնարավոր է, որովհետև նկարի թերթը մագաղաթյա է, երբ ձեռագիրն ամբողջությամբ թուղթ է և իր չափերով այդ մագաղաթի թերթը փոքր է ձեռագրի թերթերից²:

Արդյոք Գր. Տաթևացու վերահիշյալ նկարի մագաղաթի թերթի փոքրությունը որոշ չափով չի՞ հաստատում այն տեսակետը, որ ուս ավելի հին է, քան 1449 թվականին և կատարված է նրա կենդանության ժամանակ: Նկարի ուշ և գույնային լուծումն էլ համապատասխան չեն այդ ձեռագրի մյուս մանրանկարների ուշին և գույնային լուծմանը:

Մի քանի խոսք էլ կազմի վրայի փորագրանկարի (Բ կողմ) մասին: Ընդհանուր է, թե այս փորագրության վրայի Որոտնեցու և Տաթևացու նկարները փորագրված են ձեռագրի գրվելուց հետո և նրանց զատավորումը շատ նման է 329ր էջի մանրանկարին, սակայն երբ ուղադրությամբ դիտում ենք այս 3 նկարները (1374 թ. ձեռագրի մանրանկարը, կազմը և 1449 թ. կաթայի ձեռագրի նկարը) նկատվում է, որ ուշին կազմի վրայի նկարը՝ Գրիգոր Տաթևացու դեմքի ստորին մասը, մորուքը և բեղերը բավական նման են 1449 թ. ձեռագրի նկարին, այսինքն՝ Տաթևացին այստեղ երևում է ավելի հասակավոր: Արդյո՞ք այս կազմը պատրաստված չէ նրա մահվանից առաջ, մոտավորապես 1400—1405 թթ.:

Կարող ենք ասել, որ այս ուշին ձեռագրանկազմը XV դարի սկզբի դարձ է և նրա վրայի՝ Գրիգոր Տաթևացու դիմանկարը թեև արտանկարված է 329ա նկարից, բայց Տաթևացու տարիքը ենթադրել է տալիս, որ փորագրելը այն կատարել է նրա կենդանության սրտը:

Հ. ՏԵՐ-ՎԵՎՈՆՅԱՆ

ՀԱՅԱՍՏԱՆՈՒՄ ՀԱՅՏԱԲԵՐՎԱԾ ԲԱԶՄԱՆԻՍ ԿՆԻՔՆԵՐԸ

Վերջին տարիներս պեղումների շնորհիվ և պատահարաբար Հայաստանի տարբեր վայրերից հայտնաբերվել են քարից ու ապակուց պատրաստված ինքնատիպ ձևի, բազմանիստ կնիքներ, որոնք օգնում են հարստացնելու ուշ արեմենյան շրջանի մշակույթի վերաբերյալ մեր գիտելիքները: Բրզաձև, բազմանիստ քարե կնիքներ արտադրվել են միայն Փոքր Ասիայում V դարի վերջերին և IV դարում (մ. թ. ա.): Դրանք ուսումնասիրողների կողմից առանձնացված են հունա-պարսկական քարերն անվան տակ: Չնայած այդ տերմինն ընդունված է, սակայն այդ կնիքների ծագման վերաբերյալ գիտնականների միջև տարակարծություն կա: Ա. Ֆուրտվենգլերը գտնում է, որ հունա-պարսկական փորագիր քարերը պատրաստված են պարսիկների համար աշխատող հույն վարպետների կողմից²: Սակայն Տ. Ն. Կնիպովիչը, առարկելով այդ տեսակետի դեմ, ցույց է տալիս, որ փորագրության տեխնիկական ձևերով, գեղարվեստական ոճով հունա-պարսկական քարերը ավելի կապված են պարսկական, քան հունական գլխատիկայի (գունավոր քարերի վրա փորագրելու արվեստի) հետ, ուստի տվյալ խմբին վերագրում է պարսկական ծագում: Մ. Ի. Մաքսիմովան հիմնականում համաձայնելով Տ. Ն. Կնիպովիչի հետ, այդ քարերը համարում է պարսկական կնիքների հատուկ մի խումբ՝ պատրաստված Փոքր Ասիայում, հունական ազդեցությամբ, այսինքն հունական արվեստին ծանոթ պարսիկ վարպետների կողմից³: Ռիխտերը փաս-

2 Հ. Խաչիկյան, ԺՅ դարի հայերեն ձեռագրերի հիշատակարաններ, Երևան, 1955, էջ 642:

¹ Այդ տերմինը, որ հետագայում ընդունվել է բոլոր ուսումնասիրողների կողմից, առաջինն օգտագործել է Ա. Ֆուրտվենգլերը, զրա տակ հասկանալով կնիքների հատուկ խումբ: Furtwangler A., Die Antiken gemmen, Geschichte der Steinschneidekunst in Klassischen Altertum, Leipzig—Berlin, 1900, էջ 117:

² Նույն տեղում, էջ 117 և հա.:

³ Кннпови ч Т. Н., Греко-персидские резные камни Эрмитажа, Сборник Гос. Эрмитажа, 1926, էջ 41—58:

⁴ Maximowa M. I., Die Griechisch-perstische Kleinkunst in Kleinasien nach den Perserkrtegen, Archaeologischer Anzeiger, 3/4 Berlin, 1928, էջ 640—678:

Максимова М. И., Стекланные многогранные печати, найденные на территории Грузии, Известия института языка истории и материальной культуры Грузии, АН СССР, № 10, 1941, էջ 77, 6-րդ. Ն և 78:

տորեն Ա. Ֆուրտվանգլերի տեսակետն է պաշտպանում, գտնելով, որ հունա-պարսկական քարեր-
բազմականին նուրբ են պատրաստված՝ պարսկական վարպետների գործ համարվելու համար, և
որ դրանք փոքրասիական հույն վարպետների արտադրանքն են պարսիկ պատվիրատուների հա-
մարձ: Մենք Մ. Ի. Մաքսիմովայի տեսակետն ավելի հավանական ենք համարում: Իրոք, այս
բարձրարժեք գործերը պիտի համարել Փոքր Ասիայի և սահմանակից երկրների բազմացեղ
բնակչության և հատկապես հույների ու պարսիկների փոխազդեցության արդյունք:

Փոքր Ասիայի բազմաթիվ գեղարվեստական ոճերի երկու գլխավոր ուղղություններից՝ հու-
նական փոքրասիական գլիպտիկան պահպանեց հունական ոճի անադարտությունը, փոխ առնելով,
սակայն, պարսիկներից պատկերների շատ սյուժեներ և կնիքների մի քանի ձևեր: Փոքրասիական
պարսիկ վարպետները, կրելով հունական գլիպտիկայի հայտնի ոճական ազդեցությունը, հստ-
կապես կոմպոզիցիայի մեծ ազատության բնագավառում, շարունակեցին հետաքրքրվել միայն
պարսկական կյանքի ու կրոնի հետ կապված թեմաներով:

Այդ շրջանում Փոքր Ասիայում պատրաստում էին նաև տեխնիկապես ավելի կոպիտ կնիքներ,
գեղարվեստական պակաս վարպետությամբ, մասամբ ինքնուրույն թեմաների, ոճի և ձևի ընտ-
րությամբ, բայց հիմնականում արևելա-հունական դեմմաների օրինակով: Դրանք համարվում են
տեղական, փոքրասիական ժողովուրդների դերձ:

Այդ խմբերի մեջ կան որոշ տարբերություններ: Հունա-պարսկական և արևելա-հունական
քարերն իրենց ներքին մակերեսով գրեթե քառակուսի են, մինչդեռ տեղական արտադրության
բազմաթիվ կնիքի երկարությունը նշանակալիորեն, երբեմն կրկնակի չափով ավելի է լայնու-
թյունից: Առաջինները մշտապես զարդարվել են պատկերներով ոչ միայն ներքին մակերեսում,
այլև թեք կողերի և երբեմն նույնիսկ վերին մասերում: Հակառակ դրան, տեղականների պատ-
կերները միշտ գտնվում են կնիքի ներքին մակերեսին, իսկ մնացած կողերը խնամքով հղկված են:

Ապակյա բրգաձև բազմաթիվ կնիքները, որոնցից մեծ քանակությամբ գտնվել են Վրաս-
տանում⁸, նաև Ադրբեջանում (Մինգեչաուրում 3 հատ) և Հայաստանում (3 հատ), ունեն նույն-
պիսի սյուժեներ, ինչպիսիք հունա-պարսկական և փոքրասիական քարե կնիքները: Իրենց հետ
հայտնաբերված նյութերի հիման վրա սրանք ևս թվագրվում են նույն ժամանակաշրջանով
Քննությունից պարզվել է, որ մուգ կապույտ և երկնագույն ապակուց պատրաստված բազմաթիվ
կնիքները ընդօրինակվել են քարե բազմաթիվ կնիքներից: Ապակյա կնիքներ վաղուց էին
հայտնի, սակայն, այս շրջանում, որպես փոխարինիչ, ապակին ավելի լայն տարածում է ստա-
նում¹⁰: Տեխնիկայի պարզեցումը հնարավորություն էր տալիս դժվար և շատ աշխատանք պահան-
ջող քարե կնիքները փոխարինել ավելի հեշտ և մեծ թվով արտադրվող ապակյա կնիքներով
Դրանք ձուլվում էին մոմի օգնությամբ, քարե կնիքից հանված կաղապարում, որից հետո վար-
պետը հղկելու միջոցով տալիս էր նրան ցանկացած ձև: Արեմենյան շրջանում շատ էր օգտա-
գործվում կապույտ խալցեդոնը (լազուրիտ), որը պարսիկներից փոխ են առել նույնիսկ հույն
վարպետները¹¹, ուստի ձուլող վարպետներն աշխատել են բազմաթիվ կնիքին տալ բնօրինակի
ձևն ու գույնը:

⁸ Richter G. M. A., Catalogue of Engraved Gems, Greek, Etruscan and Roman, Roma, 1956, էջ 33:

⁹ Maximova M., Die Griechisch-persische Kleinkunst in Kleinasien, էջ 673:

¹⁰ Максимова М. И., Стекланные многогранные печати, էջ 78—79:

¹¹ Максимова М. И., նշվ. աշխ., էջ 75, 79 և հա.: Максимова М. И., Геммы из некрополя Мухета-Самтавро, Вестник гос. музея Грузии, т. XVI, В. Тбилиси, 1950, էջ 263. Лордкипанидзе М. Н., Геммы государственного музея Грузии, III, 1961, էջ 72 և հա.: Лордкипанидзе М. Н., Иберийские копии с малоазийских гемм позднеахеменидского времени, Вестник отделения общественных наук АН СССР № 6, 1963.

¹² Максимова М. И., Стекланные многогранные печати, էջ 75, 88 և հա.: Лордкипанидзе М. Н., Геммы гос. музея Грузии, III, 44—47; Лордкипанидзе М. Н., Иберийские копии с малоазийских гемм, էջ 134 և հա.:

¹³ A. Furtwangler, նշվ. աշխ., էջ 119, 135, 151 և այլուր:

¹⁴ Максимова М. И., Античные резные камни Эрмитажа, Ленинград, 1926, էջ 82:

Հայաստանում հայտնաբերված բազմաթիվ կնիքները հինգն են. երկուսը՝ քարից, երեքը՝ ապակուց: Քարե կնիքներից մեկը գտնվել է Դվինում¹², կարասային թաղումից, մյուսը՝ Գառնիում¹³, դամբարանից: Դվինից հայտնաբերված բազմաթիվ կնիքը¹⁴ (նկ. 1) պատրաստված է կանաչավուն կարծր քարից, երկայնքով կենտրոնից թելի համար ունի անցք, անկյունից թիչ թերի է, որը, սակայն, պատկերի ամրոցականությունը չի խախտում: Ներքին մակերեսին պատկերված է հեծյալ պարսիկի մենամարտը հետիոտն հույն զինվորի հետ: Հեծյալի աջ կողքից վազում է շունը(?): Ձին առջևի ոտքերը պարզած գտնվում է թուխթի վիճակում: Հեծյալն աջ ձեռքով բռնած երկար նիզակն ուղղել է հետիոտն զինվորի դիրքին: Վերջինս նույնպես հարձակվում է աջ ձեռքում եղած նիզակով. որի պոչն է երևում: Հետիոտնը թիչ առաջ թեքված հենվել է ձախ ոտքի վրա, ձախ ձեռքին կրում է վահան:



Նկ. 1

Դվինի բազմաթիվ կնիքի պատկերը կառուցված է ազատ կոմպոզիցիայով: Պատկերները տեղավորված են տարբեր պլանի վրա, ներքին մակերեսը մոտենում է քառակուսու: Պարսիկների հաղթական մենամարտը իրենց թշնամիների հետ պատկերելը եղել է հունա-պարսկական քարե կնիքները փորագրող վարպետների սիրած թեմաներից մեկը¹⁵: Սակայն այդ վարպետները հույներից փոխ առնելով պատկերներն ազատ կոմպոզիցիայով կառուցելու եղանակը, միևնույն ժամանակ չեն կարողացել ազատվել շարժումներն ու կենցվածքները պատկերելու սխեմատիկությունից: Դրանք գրեթե միշտ տրված են պայմանականորեն¹⁶: Սխեմատիկ են նաև Դվինի բազմաթիվ կնիքի պատկերները: Այստեղ հեծյալի իրանը համեմատաբար երկար է, ոտքերը՝ կարճ, ձիու առջևի ոտքերը երկար են, ընդհանուր առմամբ ձին հեծյալի համեմատ փոքր է, պոչը գրեթե չի երևում. ըստ երևույթին, պարսկական սովորության համաձայն հանդուցված է¹⁷: Չնայած ձին գտնվում է թուխթի վիճակում, մարմինն այդ չի արտահայտում, այն անշարժ է, իսկ դեմքն անկենդան: Հեծյալի կողքից վազող շունը(?) չափերով անհամեմատ մեծ է պատկերված: Հետիոտնը հեծյալի համեմատությամբ շատ բարձրահասակ է ու խոշոր:

Այսպիսով, Դվինի կնիքն իր զեղարվեստական ոճով, սյուժեով, պատրաստման տեխնիկայով ու քառակուսուն մոտեցող ներքին մակերեսով անպայմանորեն կապվում է հունա-պարսկական քարե կնիքների հետ: Դվինի բազմաթիվ կնիքի պատկերով շատ նման է Գ. Թիխտերի հրատարակած մի սկարաբեոիդի վրայի պատկերը: Նրա ներքին մակերեսում ևս հեծյալ պարսիկը մենամարտում է հետիոտն հույնի հետ. թվագրվում է մ. թ. ա. V դ. II կեսով¹⁸: Մ. թ. ա. V դ. II կեսով են թվագրվում նաև նման սյուժեներ ունեցող մյուս հունա-պարսկական քարե կնիքները¹⁹:

¹² Ղ ա ֆ ա դ ա ղ յ ա ն Կ. Գ., Դվին քաղաքը և նրա պեղումները, Երևան, 1937, էջ 82, նկար 57:

¹³ А р а к е л я н Б. Н., Гарни I, 1951, էջ 51, նկ. 42:

¹⁴ Երկ.՝ 18 մմ., լայն.՝ 15 մմ., հաստ.՝ 6 մմ., անցքի լ.՝ 3 մմ.:

¹⁵ Furtwangler A., նշվ աշխ., տախտ. XII, № 17, 18; Максимова М. И., Античные резные камни Эрмитажа, տախտ. 1, № 12; Richter G. M. A., Ancient Gems, from the Evans and Beatty Collections, New York, 1942, № 30; Richter G. M., The Late „Achaemenian or „Graeco-Persian“ Gems, Hesperia, Supplement VIII, 1949, տախտ. 34, № 2; Richter G. M. A., Catalogue of Engraved Gems, տախտ. XXII, № 134, 135.

¹⁶ Максимова М. И., Стекланные многогранные печати, էջ 80:

¹⁷ Նույն տեղում:

¹⁸ Richter G. M., The Late „Achaemenian or „Graeco-Persian“ Gems, էջ 204, տախտ. 34, № 4; Richter G. M., Catalogue of Engraved Gems, էջ 34, տախտ. XXII, № 134:

¹⁹ Richter G. M., Ancient Gems, № 30; Richter G. M., The Late „Achaemenian or „Graeco-Persian“ Gems, էջ 204, տախտ. 34, № 2; Richter G. M., Catalogue of Engraved Gems, էջ 35, տախտ. XXII, № 135; Максимова М. И., Античные резные камни Эрмитажа, տախտ. 1, № 12, А. III, 6.

18 Հանդես, № 1

Մեր կարծիքով Դվինի բազմանիստը մ. թ. ա. V դ. կեսով պիտի թվագրել. այս ժամանակագրությանը չեն հակասում նաև կնիքի հետ գտնված հնագիտական նյութերը²⁰:

Գառնիից²¹ գտնված կտպույտ խալցեդոնից պատրաստված բազմանիստի (նկ. 2 կողերից. հատկապես երկայնքից, կտրված է) ներքին մակերեսին պատկերված է առյուծ, որը թաթը գրել է արագ վազող կենդանու գավակին: Փախչող կենդանու պարանոցը, գլխի մի մասի հետ, և առջևի ոտքերը, ինչպես նաև առյուծի ետևի ոտքերն ու պոչը չեն պահպանվել: Պատկերն ամբողջացնելուն օգնում է Արկնեստիում²² գտնված նույնանման պատկերով ապակյա բազմանիստ կնիքը: Երկու կենդանին էլ գտնվում են սրընթաց վազքի վիճակում, առջևի կենդանին եղնիկ է, որը գլուխը ետ է դարձրել և նայում է հետապնդող առյուծին: Պատկերը շատ անկենդան է, սխեմատիկ առյուծի բաշը պայմանական, կենդանիների ոտքերը ուղիղ գծերով պատկերված: Չնայած վազքի վիճակին, շարժում չկա, երկուսի մարմնի մասերն էլ անհամաչափ են, վզերը երկար:



Նկ. 2

Հունա-պարսկական և փոքրասիական բազմանիստ կնիքների վրա հաճախ են պատկերել սիրած կենդանիներին, առանձին կամ միասին: Տարածված թեմաներից մեկն է եղել առյուծի պայթարը եղջերվի հետ: Այդ կոմպոզիցիան վաղուց ընդունվել է հունական արվեստի կողմից և VI—IV դդ. (մ. թ. ա.) հաճախ է պատկերվել հունական արևելահունիական կնիքների²³ և Փոքր Ասիայի հունական քաղաքների, պարսկական սատրապների և Կիպրոսի թագավորների կողմից կտրված դրամների վրա²⁴: Նկատի ունենալով, որ պատկերն արդեն ձևավորված տեսքով հանդիպում է ասորական կնիքների վրա, ենթադրվում է, որ այն ստեղծվել է Առաջավոր Ասիայում և ունեցել է սիւլվոլիկ նշանակություն, արտահայտելով կյանքի ու մահվան պայթարը²⁵: Մ. Լորդկիպանիձեն իրավացիորեն գտնում է, որ Արկնեստի ապակյա բազմանիստի օրիգինալը պիտի է եղած լինի փոքրասիական տեղական կնիք և թվագրում է VI—V դդ. (մ. թ. ա.)²⁶: Գառնիի քարե կնիքի պատկերին շատ նման է նաև էրմիտաժում պահվող տեղական, փոքրասիական համարվող սերգուլիկից պատրաստված բազմանիստի պատկերը: Գորիի շրջանից հայտնաբերված նույնանման պատկերով ապակյա կնիքը ևս Մ. Լ. Մաքսիմովան համարում է փոքրասիական կնիքի ընդօրինակություն²⁷: Մեր կարծիքով, Գառնիի բազմանիստ կնիքը թե՛ նյութով, թե՛ լայնքից կրկնակի անդամ երկար ձևով, և թե՛ ոճական առանձնահատկությամբ ու պատրաստման տեխնիկայով անկասկած փոքրասիական, տեղական խմբին է պատկանում: Այն պետք է համարել V դ. (մ. թ. ա.) գործ: Արկնեստիում հայտնաբերված կնիքը ճշտությամբ կրկնում է Գառնիի քարի վրայի պատկերը, ուստի շատ հնարավոր է, որ վերջինս եղած լինի նրա նախորինակը: Այդ հարցին ճիշտ պատասխան տալու համար հարկավոր է համեմատել պատկերների շփերը, որի հնարավորությունը մենք չունենք, քանի որ Գառնիի կնիքը թիրի է՝ Մ. թ. ա. V—IV դդ. են թվագրվում նաև նման թեմատիկա ունեցող վրաստանում հայտնաբերված մյուս կնիքները²⁸:

²⁰ Ղաֆարյան Կ. Գ., նշվ. աշխ., նկ. 57:

²¹ Գտնվել է I դ. զերեգմանից, բայց հեղինակն իրավացիորեն ենթադրում է, որ այն ավելի վաղ շրջանի է և հետադարձում օգտագործվել է իրրե ուլունք: Երկ.՝ 15 մմ., լայն.՝ 10 մմ., հաստ.՝ 6 մմ., անցք.՝ 1.2 մմ.:

Аракелян Б. Н., Гари I, էջ 51, նկ. 42:

²² Лордкипанидзе М. Н., Иберийские копии с малоазийских гемм, տախ. II, № 18.

²³ Walters, Catalogue of Engraved Gems of the British Museum, London, № 540; Furtwangler A., նշվ. աշխ., տախ. XI₂₂; Burlington, Fine Art Club (տախ.), տախ. 110 M.

²⁴ Imhoof-Blumer und Keller, Tier-und Pflanzenbilder auf Gemmen und Münzen, տախ. II₃₄; Babelon E., Les Perses Achemenides, տախ. 5, 1. Head, Historia Numorum, էջ 80 և 730:

²⁵ Weber O., Altorientalische Siegelbilder, №№ 365—367.

²⁶ Лордкипанидзе М. Н., նշվ. աշխ., էջ 142 և հտ.:

²⁷ Максимова М. И., Стекланные многогранные печати, էջ 83 և հտ., նկ. № 6, 7:

²⁸ Лордкипанидзе М. Н., նշվ. աշխ., էջ 142 և հտ.:

Մ. Ի. Մաքսիմովան այն կարծիքին է, թի հենց կնիքների բրդանման բազմախիստ ձևեր փոքր-ասիական ծագում ունի, որի արմատները գալիս են դեռևս II հազարամյակից (մ. թ. ա.), քանի որ միայն խեթական կապագովկիական կնիքների մեջ կան այնպիսի ձևեր, որոնք կարող են համարվել բազմախիստների նախատիպերու Դրանք երկթև տանիքի ձև ունեցող կնիքներն են²⁹ և, ըստ Մ. Մաքսիմովայի, Վրաստանում հայտնաբերված ապակյա կնիքների օրիգինալները պետք է փնտրել Փոքր Ասիայի արևելյան շրջաններում³⁰:

Հայաստանն իր աշխարհագրական դիրքով մտնում էր հունա-պարսկական և փոքրասիական քարե կնիքներն ստեղծող երկրների ոլորտի մեջ, ուստի շատ հավանական է, որ կազմավորվող հայ ժողովուրդը ևս իր լուսման է ներդրել այդ գործում, և Հայաստանը նույնպես հանդիսացել է արտադրության կենտրոններից մեկը ինչպես քարե բազմախիստների, այնպես էլ ապակյա կրկնօրինակների համար:

Մեր ապակյա կնիքները զարդարված են կենդանական պատկերներով: Դրանցից մեկը³¹ (ՊՊԹ 1561/5) պատրաստված է երկնագույն ապակուռ և գույնով ու նյութերով այնքան նման է նախորդ լազուրիտե կնիքին, որ դժվար է տարբերել: Ներքին մակերեսին պատկերված է դեպի ձախ քայլող ձի, որի առաջ կանգնած է եղջերու (նկ. 3): Նախորդի նման պատկերը շատ սխեմատիկ է, կենդանիների ոտքերը ցույց են տրված ուղիղ գծերով: Մարմինների մանրամասնությունները չեն արտահայտված, շարժման ընթացքում գտնվող ձիու իրանն անշարժ է, պոչը՝ կարճ կապված: Եղջերուն պատկերված է առջևից, համեմատաբար խոշոր ու կռկռ, գլուխը մի կողմ թևած: Նման պատկերով կնիքներ հայտնաբերվել են Վրաստանում՝ Սամթավրոյում, Լոճինում, Արկենտիում³²:



Նկ. 3

Հենիականի բազմախիստ իր ներքին մակերեսով լայնքի կրկնակի երկար ձևով, պատկերի մշակման առանձնահատկություններով, թեմատիկայով, մեր կարծիքով, հանդիսանում է փոքրասիական, տեղական քարե կնիքի կրկնօրինակը և այն պիտի թվագրել V—IV դդ. (մ. թ. ա.): V—III դդ. (մ. թ. ա.) են թվագրվում Վրաստանից հայտնաբերված ապակյա նման բազմախիստները³³:



Նկ. 4

Մյուսը (նկ. 4, գտնվել է Մահմուդջուղ գյուղից) նույնպես պատրաստված է երկնագույն ապակուց³⁴ (ՊՊԹ 1631/34) և նախորդի նման գույնով բոլորովին չի տարբերվում Դաոնիի կնիքից, անցքի երկայնքով կտրված է: Պատկերված է մեջքին թռչուն կանգնած եղջերու, որի մարմինը պարանոցից ցած, չի պահպանվել, գավակն է հագիվ նկատելի: Բազմախիստ կնիքի ամբողջական պատկերը վերականգնելուն օգնում են Վրաստանում հայտնաբերված ապակյա նույնանման պատկերներով կնիքները³⁵. Եղջերուն պատկերված է

արագ վազքի ընթացքում, մեջքին (գավակի՞ն) կանգնած է թևերը ցած իջեցրած թռչուն, առջևի ոտքերը լայն բացած վիճակում առաջ են պարզված, որոնք մարմնի հետ գտնվում են զրեթե

²⁹ Hogarth D. G., Hittite Seals with Particular Reference to the Asmolean Collection, Oxford, 1920; Contenau G., La Gliptique Syro-Hittite, Paris, 1922, էջ 93:

³⁰ Максимова М. И., նշվ. աշխ., էջ 80 և հա.

³¹ Գտնվել է Հենիականի մսի կոմբինատի շինարարության ժամանակ 1938 թ. երկ.՝ 17 մմ, լայն.՝ 9 մմ, հաստ.՝ 7 մմ, անցք.՝ 3 մմ:

³² Максимова М. И., Геммы из некрополя Мухета-Самтавро, էջ 263, № 65; Лордкипанидзе М. Н., Геммы Гос. музея Грузии, III, տախտ. VII, № 50; Лордкипанидзе М., Иберийские копии с малоазийских гемм, տախտ. I, № 9, 10, 11.

³³ Лордкипанидзе М. Н., Геммы Гос. музея Грузии, III, էջ 75, № 50; Лордкипанидзе М. Н., Иберийские копии с малоазийских гемм, էջ 141 և հա., տախտ. I, № 9, 10, 11.

³⁴ Երկ.՝ 17 մմ, լայն.՝ 8 մմ, հաստ.՝ 7 մմ:

³⁵ Лордкипанидзе М. Н., Геммы Гос. музея Грузии, III, տախտ. VII, № 48; Лордкипанидзе М., Иберийские копии с малоазийских гемм, տախտ. I, № 5, 6.

նույն գծի վրա, ետևի ոտքերը չեն դիպչում գետնին, բայց գլուխն անշարժության մեջ է: Այս տիպի քանդակը բնորոշ է հունա-պարսկական փորագրող վարպետներին, սակայն պատկերներին անկենդան քարացած տեսքը, շարժումների սխեմատիկ արտահայտումը, փորագրության ոճը, առանձին մանրութների անմշակությունը այն կապում են փոքրասիական տեղական կնիքների հետ, ուստի պետք է ենթադրել, որ սա այդ խմբին պատկանող քարե կնիքից է ընդօրինակվել, և, ինչպես Վրաստանի օրինակները³⁶, թվագրվում է V—IV դդ. (մ. թ. ա.): Նման սյուժե հանդիպում է սիրիա-կապադովկիական գլխատիկայում, այն տարրերով: Միայն, որ այնտեղ եղջերվի եղջյուրների մեջ շրջանակ է փորագրված, իսկ թուլունի մեջքի վրա՝ լիպսածն պատկեր³⁷:

Երրորդ բազմանիստը³⁸ (նկ. 5) մուգ կապույտ, մանիշակագույնին տվող ապակուց է, երկայնքից կոտրված: Ներքին մակերևույթն ապակերված է դեպի ձախ արագ վազող, գավակին թուլուն կանգնած ձի: Թեման նույնն է, ինչ որ նախորդինը, միայն այստեղ եղջերվի փոխարեն պատկերված է ձի, որի գավակը ոտքերի հետ միասին և թուլունի ետևի մասը չի պահպանվել: Զիու ճակատից, եղջերվի եղջյուրների նման, բայց ավելի լայն, ինչ որ ձվածն թումբ է ձգված: Զին, նախորդ կնիքի եղջերվի նման, ոտքերը բաց վիճակում առաջ է պարզել մարմնի հետ գրեթե ուղիղ գծի վրա, սակայն այստեղ կենդանու մարմնի համաչափությունը լավ է պահպանված, մանրամասնությունները մշակված են, բայց կենդանիների գլուխները որոշ անկենդանություն ու քարացածություն ունեն: Թուլունի միայն կուրծքն ու գլխի առջևի մասն է երևում, այնպես որ ավելին նկատել հնարավոր չէ: Կնիքի ներքին մակերեսը պետք է մոտ լիներ քառակուսուն: Գեղադիրի բազմանիստն իր սյուժեով, գեղարվեստական ոճով և պատրաստման տեխնիկայով անտարակույս կապվում է հունա-պարսկական խմբի հետ և ընդօրինակված է այդ խմբի քարե



նկ. 5

կնիքից: Նույն սարկոֆագից գտնված Ալեքսանդր Մակեդոնացու դրամի օգնությամբ այն թվագրվում է IV դ. (մ. թ. ա.) վերջով:

Այսպիսով, ուսումնասիրվող քարե և ապակե բազմանիստ կնիքների վերլուծությունը ցույց է տալիս, որ նրանք սերտորեն կապված են Փոքր Ասիայի ու շաբաթական շրջանի գլխատիկայի հետ: Դրանցից Դվինի քարե բազմանիստ կնիքը հունա-պարսկական քարերի խմբին է պատկանում, իսկ Գեղադիրի ապակյա բազմանիստն ընդօրինակված է նույն խմբի քարե կնիքից: Մյուս երեքը փոքրասիական տեղական ծագում ունեն և շատ հավանական է, որ պատրաստվել և կրկնօրինակվել են Հայաստանում:

Ներկայումս հնագիտական նոր պեղումների շնորհիվ հայտնի է դարձել, որ բազմանիստ կնիքները ունեցել են տարածման մեծ շրջանակ: Հունա-պարսկական կնիքներ են հայտնաբերվել Պարսկաստանում, Փոքր Ասիայում, Լիդիայում, Անատոլիայում, Հունաստանում, Վրաստանում, Ադրբեջանում, Հայաստանում և նույնիսկ Հնդկաստանում³⁹ (Տաքսիլայում): Այդ կնիքները, որոնց թվում է մեծատիկան վերցված է պարսկական կյանքից, Պարսկաստանի ու Փոքր Ասիայի կենդանա-

³⁶ Лордкипанидзе М. Н., Геммы Гос. музея Грузии, III, էջ 75, № 48; Лордкипанидзе М., Иберийские копии с малоазийских гемм, էջ 139 և հտ., № 5, 6, որտեղ հեղինակը ինչպես այս, այնպես էլ նախորդ բազմանիստը համարում է Վրաստանից բերված (էջ 142, 151, ծանոթ. 32, 53): Մեծ կարծիքով դա ոչ միայն անհավանական է, այլև կարող է ընդհակառակը լինել, քանի որ ապակյա բազմանիստի մի քարե օրիգինալ արդեն անվիճելիորեն ունենք (Գառնիից գտնված խալցեդոնե կնիքը) և ինչպես վերը նշեցինք, պետք է որ Հայաստանն ունենար նման քարե և ապակե կնիքների արտադրություն: Դժբախտաբար Հայաստանի այդ շրջանի հուշարձանները Վրաստանի հետ համեմատած դրեթե չեն ուսումնասիրված: Հուսանք, որ հետագա ուսումնասիրությունները կօգնեն ավելի որոշակի պատասխան տալու այդ հարցին:

³⁷ Delaporte L., Catalogue des Cylindres et des Cachets orientaux, Acquisitions, Paris, 1926, ապառ. 103, A 1065, 1066.

³⁸ Գտնվել է 1963 թ. Գեղադիրում, սարկոֆագից, մեր կողմից կատարված պեղումների ժամանակ: Երկ.՝ 15 մմ, լայն.՝ 15 մմ, հաստ.՝ 8 մմ, անցք.՝ 2 մմ:

³⁹ A. Furtwangler, Die Antiken Gemmen, էջ 117, 118, Maximowa M., Die Griechisch-perstische Kleinkunst, էջ 619 և հտ.: Максимова М. И., Стекланные многогранные печати; Richter G. M., Catalogue of the Engraved Gems of the Clas-

կան աշխարհից, մեզ պատկերացում են տալիս պարսիկների նախասիրությունների, զրադուների, հանդերձանքի, սիրված կենդանիների (կենդանական աշխարհի), պատկերացումների մասին: Դրանց լայն տարածումը դրսևորում է հին աշխարհի երկրների ու ժողովուրդների առևտրական կապերը և մշակութային փոխհարաբերություններն ու փոխազդեցությունները, որոնց անմասն չի եղել նաև Հայաստանը:

Ժ. ԽԱՉԱՏՐՅԱՆ

ՀԱՅԱՍՏԱՆԻ ՅԵՂԱՅԻՆ ՍՊԱՌԱՋԻՆՈՒԹՅԱՆ ՈՒ ՌԱՋՄԱԿԱՆ ԿԱՋՄԱԿԵՐՊՈՒԹՅԱՆ ՀԱՐՑՆԵՐԻ ՇՈՒՐՋԸ

(Սեանի ավագանի նյութերի նիման վրա)

Մ. Բ. ա. II հաղարամյակի երկրորդ կեսը բնորոշ է ցեղային հզոր միությունների կազմավորմամբ: Յեղային առաջնորդների ու սովազանու զամբարանների և հարակից այլ նյութերի ուսումնասիրությունը ցույց է տալիս, որ երանք վաղուց արդեն բաժանազատվել էին ցեղակիցների ընդհանուր մասսայից, մեծ հարստություն կուտակել: Դեռ բերել տեսնական ու քաղաքական խոշոր ազդեցություն և ստեղծել զինված մարտիկների մշտական հատուկ ջոկատներ, որոնք զգալի դեր էին կատարում առանձնապես պատերազմական գործողությունների ժամանակ:

Քնակչության և դույրի պաշտպանության համար կառուցված կիկլոպյան ամրոցների ցանցն արդեն պատել էր Հայկական լեռնաշխարհը: Միայն Սեանի ավագանում վերջին տարիներս հայտնաբերված և Գ. Մ. Միրայկյանի կողմից ուսումնասիրված են մոտ 60 ամրոց և ամրացված բնակատեղի: Պաշտպանական այդ կառույցներն ամրացվում էին հզոր պարսպապատերով, հողաթմբերով կամ շրափոսերով, որոնք անընդհատ լրացվում և կատարելագործվում էին, ստեղծելով ամրությունների ամրոց սիստեմ: Բնում է, որ վերահիշյալ կիկլոպյան կառույցների գերակշռող մասը, հատկապես վաղ շրջանում, բառի իսկական իմաստով ամրոց չի եղել: Դրանք պարզապես ապաստարաններ էին, ուր հավաքվում էր շրջապատի քնակչությունը վտանգի զննքում:

Խոշոր ցեղային միություններից շատերը բնդունում էին պետական միավորումները և, մանավանդ Հայկական լեռնաշխարհի արևմտյան և հարավային շրջաններում, որոնք բնակեցված էին հայաստական, եաիրյան, արարատական հզոր ցեղախմբերով: Հենց սրանք էլ զորեղ պատվար էին կազմում հեթիթական ու ասորական էքսպանսիայի դեմ:

Հայկական լեռնաշխարհի հյուսիսային ցեղերի մեջ պետության կազմավորման ընթացքը ձգձգվել է մինչև մ. Բ. ա. առաջին հաղարամյակի սկիզբը և չի ավարտվել. քանի որ երանք նվաճվեցին և միացվեցին արարատական պետությանը:

Ըստ արարատական գրավոր աղբյուրների, Սեանի ավագանը բնակեցված էր բազմաթիվ ցեղերով, որոնք կազմում էին շորս ցեղային միություններ՝ Աղախունի, Ուելիկուխի, Լուերուխի և Արկուկինի: Ուելիկուխի երկիրը գտնվում էր Սեանա լճի արևմտյան ափին, Գալատազեան հովտում (ներկայիս Կամու քաղաքի շրջանում), Լուերուխին բնկած էր երանից հարավ (Աղիաման գյուղի շրջակայքում), իսկ Արկուկինին՝ ավելի հարավ (Ջազալու գյուղի շրջակայքում): Հետևաբար Աղախունին անհրաժեշտ է որոնել նշված երկրներից գեպի հյուսիս՝ Սեանի արևմտյան ափին: Բացի նշված շորս երկրներից, արարատական արձանագրությունները հիշատակում են ևս 19 երկիր, որոնք տեղադրվում էին լճի մյուս կողմերում, բարձր լեռներում:

Վերահիշյալ ցեղերը, բոլոր երևույթին, ապրում էին եախնազարյան համայնական հասարակարգի քայքայման դարաշրջանում, որի համար բնորոշ էր բազմաթիվ «երկրների» և «թագա-

sical Style, New-York, 1920; Richter G. M., Ancient Gems, from the Evans and Beatty Collections; Richter G. M., The Late „Achaemenian“ or „Graeco-Persian“ Gems, էջ 32 և հաջ. Richter G. M., Catalogue of Engraved Gems; Butler H. C., Sardis, Leyden, 1922, էջ 83; Young G. M., Ancient India, I, 1946, էջ 33; Лордкипанидзе М. Н., Геммы Гос. музея Грузии, III, էջ 74, 75; Лордкипанидзе М. Н., Иберийские копии с малоазийских гемм.

¹ Г. А. Меликишвили, Нанри-Урарту, էջ 66—69.